

T2726.2/1923

(8)

95

大明英宗睿皇帝實錄卷之九十五

正統七年八月戊子朔廣西左州遣舍人黃英等
貢馬賜鈔絲幣表裏有差○命駙馬都尉焦敬新
寧伯譚璟往南北二太僕寺印記馬騾駒計五萬
九千一百五十匹○給閩宦官李英月俸五石英
初以軍功封會寧伯食祿千一百石後坐法削爵
閒住至是以艱宥自陳故有是命○己丑命監察
御史趙全等十一人分往南北直隸并浙江等處
清理軍伍俱賜敕諭之○四川董卜韓胡宣慰使
克器俄監架遣使乞封王爵

大明英宗睿皇帝實錄卷之九十五

正統七年八月戊子朔廣西左州遣舍人黃英等
貢馬賜鈔絲幣表裏有差○命駙馬都尉焦敬新
寧伯譚璟往南北二太僕寺印記馬騾駒計五萬
九千一百五十匹○給間住官李英月俸五石英
初以軍功封會寧伯食祿千一百石後坐法削爵
間住至是以艱窘自陳故有是命○已丑命監察
御史趙全等十一人分往南北直隸并浙江等處
清理軍伍俱賜敕諭之○四川董卜韓胡宣慰使
克羅俄監粲遣使乞封王爵

上不允第陞鎮國將軍都指揮同知掌宣慰司事給之誥命○巡按廣西監察御史徐朝宗奏慶遠衛指揮僉事孫春等失機以致峒賊殺虜人民請治其罪

上命俱取死罪招狀住俸擒賊如無所獲及賊再生發俱重罪不宥并行總兵官嚴督擒捕如其無功一體治罪○發麓川頭目陶孟忙怕等四人於大同在城衛分充軍○庚寅命兵部尚書徐晞工部尚書王蚤錦衣衛指揮同知王山與經筵侍班○湖廣貴州副總兵官都督僉事吳亮等奏廣西泗

城州土官岑豹與利州土官岑顏讎殺

上勅亮等及廣西總兵三司等官如堪撫諭宣布恩威令各罷兵否則會兵勦之○辛卯先是廣西安平州土官趙仁政奏被交趾下思郎州土官農原洪侵占地土殺虜人畜遣給事中湯鼎等往交趾追理原洪反詐稱被仁政占其地虜其人兵部言宜勅廣西總兵官柳溥等將彼此虛實情由仍行安南國遣人拘原洪來所爭地界會勘追理從之○壬辰江西按察司副使石璞訴臣先任本司按察使以獄囚反逸蒙降今職今所逸之囚俱獲如

數乞矜憫仍復前秩

上不允○癸巳建中左右前後五軍都督府太常寺
通政司錦衣衛各衙門於大明門之西行人司於
長安右門之西以是日興工遣工部尚書王龜祭
司工之神○甲午命甘州操備陝西都指揮同知
楊得青掌本都司印署都指揮僉事張通代往甘
州操備○廣東新會縣撫徭生負鄧鉞同徭首黃
進盛等貢方物賜鈔綵幣表裏襲衣有差○命曲
先衛都指揮同知都立為都指揮使故指揮同知
荅即干子額兒格襲其父職○命設小鹽倉於南

京清水潭岸時監察御史王驥奏國初設鹽倉檢
校批驗所於龍江關以貯掣下客商餘鹽其時於
關下石灰山掣鹽收受甚便近因江水衝決舟不
得泊乃徙掣鹽所於清水潭而鹽倉如故相去三
十餘里事甚不便請別立小鹽倉於清水潭以便
收受事下戶部遣官覆視遂從其請○乙未遣順
天府官祭宋丞相文天祥○敕諭四川都司布政
司按察司官曰董卜韓胡遣刺麻端竹監粲等朝
貢奏已後進貢或令從威州古敦地方或令從雜
谷尾普東來緣董卜韓胡歸化年久屢來朝貢其

往還必有故道但未知何者為便爾等須體實計
議其無妨礙之處奏來處置○命江西宜春縣縣
丞孫昇復任陞正七品俸昇九年考滿巡按監察
御史等官會奏昇撫字公勤逋亡樂歸民不忍其
去告保復任事下吏部亦言考稱故有是命○命
四川重慶府貧民逋負賑濟倉糧悉令折布償官
從評事李福奏請也○命出淮安官倉小麥十七
萬有奇糶銀赴京從知府楊理奏請也○命烏思
藏刺麻遠丹堅剌老哇藏卜等為都綱賜敕護持
○鎮守密雲等處署都指揮僉事陳海等弗嚴守

瞭致賊犯邊擄掠事覺

上命錦衣衛執海等至京鞫實發獨石充軍○丁酉
釋奠先師孔子遣少保禮部尚書兼武英殿大學
士楊溥行禮○命山東都司大嵩衛指揮同知王
通為署都指揮僉事鎮守密雲○陝西西安府民
王珩王海等鞏昌衛都指揮同知王壽董雋岷州
衛指揮僉事后能西固城千戶李瑛等各出稻麥
千石有奇賑濟詔賜璽書旌勞復其家○開設直
隸隆慶州永寧縣醫學○修浙江蕭山縣長山浦
丁村瓜瀝等處海塘○戊戌祭

太社

太稷○書復益陽王貴燁曰承喻府中乏內使今遣阮成等四人往供使令其善遇之○陞太常寺典簿許俊為本寺寺丞俊九年考稱本寺少卿蔣守約舉其熟閑祀事故有是命○禮部尚書胡濙等奏廣西左州土官遣頭目周憑等齋表慶賀萬壽聖節却將慶賀

皇太后表文騰進况其表函內外水濕迹汗甚為不敬俱合究問

上命宥之○給宣府馬二百四十匹○命回回頭目

撤必等俸糧俱於京倉支給初戶部奏准在京官軍俸糧於京倉通州各給半歲時撤必等差往雲南故有是命○山東濟南衛指揮同知鄧鑑奏按察司與衛俱三品衙門舊例行文平關正統初年以來按察司始劄付各衛經歷司比者山東按察司進表之日令衛官赴司隨班行禮有違洪武禮制乞敕該部申明舊例行文平關進表行禮各於本衙門為當

上命禮部議尚書胡濙等言各衛欲與按察司平關未可從其進表行禮宜令各於本衙門從之○湖

廣左叅議黃仲芳奏自正統元年以來分遣御史
清理軍政之後較之往年軍衛自勾之數倍以萬
計民免侵漁軍無曠伍誠為良法而衛所官旗人
等因懷私憤每遇填冊發勾之時以有作無以壯
為弱或在營有丁捏稱病故或将平民坐名勾擾
姦弊多端乞行禁約從之○庚子命錦衣衛帶俸
達官都指揮同知阿老丁子迭兒必失襲為指揮
使○辛丑命蘇松常嘉湖杭六府糧長歲一更之
從監察御史柳華奏請也○壬寅制諭兵部尚書
靖遠伯王驥今命爾往雲南總督軍務鎮守城池

撫安軍民肅清邊境其雲南軍衛有司及土官衙
門悉聽節制仍命都督同知冉保克左叅將都督
僉事毛福壽克右叅將統領京衛官軍俱聽爾調
度麓川賊酋尚未授首比者其子思機發奏乞來
朝謝罪而其頭目刀放革亦請自率夷兵擒其父
子來獻事之虛實難以遙度父子果能革心悔罪
躬赴軍門哀叩乞憐爾即遣人護送赴京朕將赦
其前罪如或冥頑不悔仍懷餘毒即與翦除其刀
放革果有實情量加獎諭起調土兵協助之於乎
有罪必誅聖王大典知罪能悔理亦可宥靖安邊

方朕一付於汝務圖萬全以副委任仍給驥金牌
信符便宜行事○敕沿邊宣府等處總等官永寧
伯譚廣等曰屯兵所以備不虞不可以無事而忽
之況今秋高馬肥胡虜出沒之時而我使臣將歸
自尾刺安知兀良哈無窺伺之心乎卿等其嚴加
隄備毋怠毋忽○敕右僉都御史曹翼代右僉都
御史程富叅贊甘肅軍務○先是巡按雲南監察
御史等官言雲南都司及各衛所軍官數多正副
千戶及百戶等官一所多餘有至二三十員者亦
有全缺員者其間老成歷練者少貪暴柔輒者多

乞加精選調補又言都司及各衛所官宜照原額
定員管事庶得軍政脩舉

上悉從所言至是敕總督雲南軍務兵部尚書靖遠
伯王驥公同總兵等官簡選調補○敕南京戶部
於該庫支鈔一十二萬六千一百貫緡三百九十
一匹綿布三百六十四匹遣官運至廣西潯州府
賞征勦大藤峽蠻寇官軍并陣亡者○定西侯蔣
貴自陳祖墳在揚州府江都縣乞復一戶以供祭
掃從之○癸卯遣神樂觀道士齋祝帛徃命所在
守臣祭歷代帝王陵寢○陞兵科掌科事給事中

薛謙為本科都給事中以給事中陳浩等奏舉故也○命故貴州都司都指揮僉事侯義弟禮襲為都指揮僉事義勇右衛指揮使任永子義襲陞都指揮僉事仍於原衛帶俸以義等俱從征麓川陣亡故也○革福建延平府南平縣西芹河泊所以其歲課不及數併歸本府河泊所○甲辰賜韓府襄陵王冲炆子鎮國將軍範址範坵範塹清澗縣主誥命冠服等物○命湖廣故都指揮僉事莫榮子英襲為指揮使江西都指揮僉事葛亮子喜代為指揮使陝西署都指揮僉事許英子鑑代

為指揮僉事○乙巳開設雲南曲靖軍民府醫學從本府知府張敏言也○夜月生暈木星在暈內○丙午祭山川城隍等神○遣旗手衛官祭旗燾之神○敕諭沙州衛掌衛事都督因即來及頭目人等曰比者爾等言哈密援引瓦刺人求索物件及踏看道路已力拒不與爾之忠誠朕深嘉悅蓋爾等臣事朝廷已歷四朝繼自今務堅此心如復有人邪言扇誘慎勿聽信則上天鑒祐永遠享福爾慮瓦刺今冬或來劫掠欲脩赤斤城以為備禦又言赤斤是且旺失加地方慮

有爭競乞脩爾沙州境內苦峪舊城朕已敕總兵鎮守官遣官軍前來脩理汝可熟計若爾與且旺失加等兩相和好久後無爭欲脩赤斤城即從脩理如以苦峪城為便即脩苦峪城計定當即興工時將寒凍不可緩也爾等亦須起集軍馬協力脩築遠出哨瞭不可怠忽復諭赤斤蒙古衛都督僉事且旺失加都指揮僉事革古者可兒即及頭目人等曰沙州衛慮瓦剌劫掠乞脩赤斤城以為保障朕已敕困即來計議之矣如爾等與其和睦即聽脩理過急同住或有相礙爾亦明白聲說令只

脩理沙州舊苦峪城務要兩相利便共圖長遠已敕遣去官軍不許擾害爾亦宜戒飭部屬無或生事自取罪愆○潘王佶焯奏臣弟稷山王佶焯薨逝歲祿例應停支然宮眷用度不足

上命戶部給之如故○命故曲先衛指揮同知荅即于子額兒格襲○兩淮都轉運鹽使司運使嚴貞奏所部二十九場其掘港等六場地不潮湧不堪煎辦鹽課連年逋負請令將六場竈丁於富安等場暫借空閑盤竈并鹽灘草場煎辦以償所負俟鹽課既足仍回本場從之○陝西寧夏久雨水泛

壞屯堡倉房墩臺甚衆詔有司脩築之○丁未旌
表孝子郭玄節婦孔氏等五人玄陝西邠州儒學
生母邁疾晝夜侍湯藥不離人有勸其受室者玄
曰母疾未瘳憂心忡忡何忍娶邪母歿廬墓終喪
雖虎狼交錯不能害旌其門曰孝行孔氏順天府
東安縣監生陳璉妻夫亡守節五十六年傅氏南
京府軍衛軍張來家兒妻夫亡守節四十三年陳
氏山西遼州民張澤妻夫亡守節六十二年程氏
山東寧陽縣民鞏敬妻夫亡守節四十七年俱旌
其門曰貞節○浙江按察司僉事雷鏐弗嚴督官

軍巡視致麗水等縣賊徒偷採銀礦劫殺人財

上命巡按御史執鞫之○戊申太僕寺奏本寺累年
俵剩并孳生馬匹共八萬八千六百七十匹無人
領養

上命分俵西北邊境仍敕宣府等處總兵等官審核
所部缺馬騎操軍士之數水草便利可以牧放之
地空閑軍餘可以牧放之人以聞○己酉陞江西
按察司副使石璞為山西布政司右布政使從吏
部會官薦舉也○四川邛部長官司長官何喬遣
舍人領阿壽等貢馬賜鈔有差○庚戌刑部右侍

郎楊寧自陳臣早失怙賴母袁教育幸致有成今
母老病日侵尚未沾恩乞不循常例先賜誥命
上命封贈其祖父母父母妻後不為例○辛亥敕諭
河州西寧等處官負軍民人等曰朕惟佛氏之道
以空寂為宗以普度為用西土之人久事崇信今
以黑城子廠房地賜大慈法王釋迦也失蓋造佛
寺賜名弘化頒敕護持本寺田地山場園林財產
孳畜之類所在官軍人等不許侵占騷擾侮慢若
非本寺原有田地山場等項亦不許因而侵占擾
害軍民敢有不遵命者必論之以法○給錦衣衛

馬八百八十九匹○命浙江沿海諸衛所運糧官
軍悉回原衛所操練備倭○壬子調山東按察司
副使周安于江西按察司以山東剝負取至故也
○山西按察使曹習古奏山西布政司通年坐派
折糧羊二千餘隻令都司官軍牧養以備館待夷
使之用比年以來或將原羊抵換或不用心飼牧
以致瘦損令民重復買補侵剋擾害蓋因總其事
者不得人故也近聞叅將都指揮同知石亨秉心
公正軍民悅服宜令其總領提調收發未給庶革
其弊軍民兩便從之○癸丑賜少師兵部尚書兼

華蓋殿大學士楊士奇少保禮部尚書兼武英殿
大學士楊溥誥命并封贈其三代及妻近制京官
九年考滿始給誥命推封

上以二人輔相元老特有是命士奇又自陳臣蒙
先朝贈臣祖公榮為少傅祖母胡氏為夫人息至渥
也但念父子將寔伯祖公辰伯祖母嚴所出繼公
榮後今公辰嗣絕臣兼承其祀伏見前代人多得
乞封旁親

國朝惟有封贈親生祖父母之制無及旁親之令今
公辰雖於臣稱為伯祖嚴氏稱為伯祖母寔臣親

祖父母非其餘旁親之比伏望

聖仁不循常例停臣本身及妻即今所得誥命移贈
伯祖公辰伯祖母嚴氏俾得沾恩光顯無窮不勝
惓惓祈息之至

上命并予之○陝西守備迭烈孫兼掌靖虜衛都指
揮僉事房貴奏欲造本衛紅山寺以為番僧脩行
之所

上曰邊境旗軍艱難其止之○乙卯命脩

天地壇

太廟

社稷壇樂器○命刺麻班卓兒端竹為崇教弘善國師賜之誥命○烏思藏大寶法王哈立麻巴等遣刺麻鎖南劄等貢馬及方物賜綵幣表裏有差仍命鎖南劄齋救并金織紵絲表裏等物歸賜哈立麻巴○敕諭赤斤蒙古衛都督僉事且旺失加都指揮僉事革古者可兒即及大小頭目人等曰比聞爾等慮瓦刺劫掠欲遷居肅州也恪卜刺白城山地朕思爾世守赤斤地方人口衆大豈可遷動自虛其地為人所窺爾等宜整搦軍馬嚴飭部伍晝夜哨探果有聲息即星馳遣人飛報總兵鎮守

官統軍策應相機擒滅已敕總兵鎮守官令人常於境外巡哨爾等安居樂處毋為深慮○給薊州永平山海等處馬二千匹○丁巳四川長河西魚通寧遠等處軍民宣慰使司清脩翊善國師簇克林巴遣刺麻綽思恭等烏思藏禪師樂藏遣刺麻星吉藏等貢馬及方物賜鈔綵段表裏襲衣靴襪有差○巡撫大同宣府右僉都御史羅亨信以年老上疏陳情乞體骨

上以身信素閑邊務精力未甚衰不允○工部左侍郎周忱自陳臣奉命巡撫兩丁親喪俱蒙奪情視

事葬祭之禮未及盡情今臣巡撫南直隸地方相距原籍伊邇乞公暇時便歸展省仍往巡撫庶公義私情兩得少遂

上以忱久勞王事特允其請○掌兵科事給事中薛謙言乞命巡按監察御史將都司各衛所原定掌管軍政官每年稽其事蹟三年一次造冊分註庶勤能幹貪酷柔懦於其名下暨所管軍士逃故多少軍器利鈍城池脩廢屯種虧贏馬匹肥瘠一一備書以憑稽考黜降別選能幹官補管庶使軍官知儆兵政脩舉從之○湖廣清浪衛指揮使陳倫

奏本衛下坪渡舊採竹木編為浮橋為水衝決請集工造為石橋庶可經久從之○朝鮮國王李禔奏比者承賜敕諭附近鴨綠江一帶東寧等衛率多過犯逃匿或被人誘挾至者無分漢人女直即擒解發回臣蒙

聖訓切至感激罔極訪發遣還者計一千二百七十五人自茲以往復有至者不敢容留以欺上國

六和表... 卷之五十五

<p>...</p>	<p>...</p>	<p>...</p>	<p>...</p>	<p>...</p>
------------	------------	------------	------------	------------

